

417  
84

I

# QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

die Iouis 15. Ianuarij.

M. GUYDONE CRESCENTIO FAGON,

DOCTORE MEDICO, PRÆSIDE.

*Fit-ne sudor cruentus Natura vi?*

I.

**S**UDOR tenue est ac humidum triplicis, quæ in viuentibus obitur coctionis excrementum aquæ instar per cutem actum. Quapropter signa, lapides, ligna, vt aliquando acceptum humorem reddiderint, reuerà non desudarunt; nec enim sanguis, nec sudor, nisi in corpore est. Cibi autem pars aquea, ipsaque epota aqua, minime quidem ad alendum, sed ad decoquendum alimentum, ac vel in vltimas corporis partes deportandum optime comparata; si eo functa munere ad vesicam deferatur, vrina; si in corporis summa emergat, sudor est, qui interdum aquæ in modum erumpit, interdum insiti caloris vi solutus exhalatur; sicut vicissim in sudorem plerumque abeunt vapores, extimarum, ad quas appellant, partium frigore coacti. Quin & crudi illius succi, qui carnibus reliquisque particulis suavissimo pastis adjungi non potuit, liquatusque dilabitur, habet admixtum quid sudor, qui propterea salsus est, quandoque & amarus, vt in Ictericis: Nec rarò foetet, maxime cum à viciis membris, vel ab iis prodit locis, in quibus ferè semper trux caper habitat. An certa foeminarum fecunditas, quarum sudor aut re ipsa, aut idcirco bene olet, quia nihil olet.

A

**Q** V A N T O valentior est cuiusque calor, tantò maior est quæ sensum fugit diffusio, pauciorque ex probè coctis alimentis superest qui per cutem extrudatur humor. Si quis tamen inde sanum hominem sudare negat, vix ipse sanæ mentis est. Nec si eadem est vrinæ & sudoris origo, hoc cutem continenter diffuere necesse est, quòd illa ad vesicam continenter defluat; scilicet pendenti, & à carnis renum papillis in labrum stillanti sero patent directæ ac præcipientes viæ, quas sponte decurrat: Id ipsum quoquo versum excurrens, & ad extremum corpus deductum, non inutiliter subsidet: nec statim effluit, nisi labore motûque concitatore, aut si ab iis quies est, caloris ac spirituum impulsu foras projiciatur per apertissima cutis foramina. An iis hyemis, quâ & calor excellit, frigore interclusis, minùs quàm æstate desudamus? Nullus quoque è sicco sudor est; ob eam rem senes, biliosi, peruiigiles, qui fusiores sunt aluo, qui igni propiores sunt, Solisve ardorem nudi sustinent, minùs sudant; paulò largiùs, ferè que noctu melancholici; hecici, hydrope vexati, & cæteri quibus inaruerè viscera, nunquam. Vt tantùm ad valentes pertineat qui naturalis est sudor: prudenter & arte excitatus à grauiissimis morbis vindicet, calorisque suauitatem tueatur aut afflet: Qui ex morbo inanis sit, vel symptomaticus, criticus planè nullus haberi debeat.

## I I I.

**A** D pernoscendum quid in intimo geratur corpore, habet momenti plurimum, qui per ejus ambitum effunditur humor, habet & effusi humoris color. Nunc enim expeditæ & valentis, nunc impeditæ dejectæque Naturæ opus est. Frigidus ferè calorem extinguere; qui à cibo fit, ventriculum inter coquendum laborare denunciat. Neque tamen veritatem id obtinet, vnumquemque, quâ parte sudat, laborare semper. Nec semper solitarium postremæ coctionis recreationum, serosisque humoris reliquiæ sese inferunt in patentes cutis meatus. Pleurumque vnâ cum iis excidunt fœdi humores, quos validus calor sejunxit à sanguine, velut ab auro fecem. Inde vittæ atque indusia pallent; interdum virent, albescent, rubent cruentum sudorem eementita. Etiam vini rubri recens hausti colorem sudor aliquando retulit. Nec se-

3

419

mel effæcto jecore, perinde ac in demorsis ab Hæmorrhoo, totum corpus fuit pro vulnere; saniesque, siue sanguis nondum satis excoctus, aut corruptis dissolutisque fibris liquescens, affatim per laxiora cutis spiramenta euasit. Ita quoque nonnullorum febre pestilenti ac variolis infestatorum membra omnia sanguinem, vel certè rutilum pro sanguine virus emisere.

I V.

**N**ON solùm superflui & inutiles vtiliter, sed etiam vtilēs, & Naturæ vsibus apti humores, eâ inuità quandoque sudore dissipantur. Is quo defecti animo madent, non tam sudor est, quàm portio quædam cognati & ad alendum idonei succi; quem extremæ corporis partes, perennis effluuij damna sarturæ, ad se inuitatum continere nequeunt. Flatus, acriserum, calculus, dum ardentissimum dolorem inurunt, haud valde dissimilem sudorem euocant, vix ante, quam is vniuersus exhaustus sit, finiendum. Incessus celerior, cursus, lucta, balneum, pugna, & ejus generis alia plurima, sudorem multò, quàm quæ perperam dicuntur idrotica, certius promptiusque creatura, nonnunquam ab iis, quæ in habitum cutemque definunt venis & arteriis, liquidum sanguinem exprimunt. Nec modò causarum quæ foris sunt, sed etiam internarum vi exigitur, eoque copiosior manat, quò harum, quàm illarum, major est efficacia. Vt porrò multa sanguinem colliquefacere, cum eoque spiritus jactare & huc illuc impellere valeant; nihil æquè ac vehementes animi perturbationes. Non tot motus, nec tantas, tàmque varias fluctuum agitationes habet Euripus, quot ab illis quidquid in corpore est fluens; quod manifestè loquuntur suspensus ac incertus vultus, mensusque, & toties mutatus, nec vllâ certâ sede manens color.

V.

**Q**UEM AD MODUM mœrore, metu, pauore perculsorum, sanguis pendè congeliat, cutem destituit, seque in intimos cordis sinus recipit cum spiritibus, qui & crassescunt, obscurantur, torpent, extinguuntur; à suis functionibus abscedit anima; corpus consistere nequit, riger, transfixum non sentit: Sic in amore & gaudio, nisi fortè hoc effusum animam exhauriat, sanguis & spiritus, ceu ipsa sint anima, aut in ipsis tota sit, blandè effunduntur ad lætitiæ

autorem quasi complectendum. In irâ , magisq; in angore & agone , in quo & vehemens est impulsio , & inordinatus eorum motus , adeo in corde feruent , ebulliunt , ex eoque emissi tanto impetu currunt , suppetias videlicet latruri instrumentis , quibus , quod stomachum facit , depellatur , vt quocunque penetrant , & tanquam immixtæ furia , vasorum quibus clauduntur oscula referent , resignēt , rumpant , maximè vbiveteram vim addit temperies , aut ætas florentissima , peruiumq; ac laxiùs textum corpus nullo vnquam morbo violatum est , lucidi sunt ac viuidi spiritus , clarus est , purpureoque colore nitens sanguis. Quod si præterea præcellens animus imminenti mali opinione verberatus , suscepto consilio , eoque quod discruciat ante oculos proposito , seipsum succiter , & ad firmitatem incendat , si indignissimæ mortis laqueis caput expedire vt cupiat , constanter nolit , ipse sui doloris antagonista ; quid procliuius quàm vt in eo conflictu , æstuosius inardescens tenuis ac propè ignitus sanguis , venarumque haud ampliùs patiens , viam sibi per omnes cutis ductus , quasi per riuulos muniat , ab iisque decurrens , fatum quodammodo anteuertat. Sic olim maximus Imperator dum percitus metueret , ne quid pugnantium militum ignauia victoriæ gloriæq; suisque detraheret , sanguineum in sudorem solutus est : soluti & patrum nostrorum memoriâ robusti homines , auditâ capitis sententiâ. Sed & sensibus facta fides est , consecratam virginem , impurissimis sicariis ad eam corrumpendam aduolantibus , stupri horrore , mundissimum sanguinem de venis ejus , alioqui tenacissimis per corpus integerrimum , sudoris specie cum vitâ profudisse.

*Ergo fit sudor cruentus Natura vi.*

# DOMINI DOCTORES DISPUTAVR.

M. Guylo Crescensius Fagon,  
Praef.  
M. Iacobus de Bourges  
M. Petrus Legier

M. Ioannes Hamon.  
M. Simon Boulot.  
M. Claudius Tardi.

M. Petrus Legier.  
M. Ioannes Pietre.  
M. Claudius Germain, primarius Regina Poloniae Medicus.

Proponebat Lutetiæ PETRVS LOMBARD Heduenfis,  
A. R. S. H. M. DC. LXV.